



Gienh Saeh Nanzlumz Ndeu

一件难忘的事

贵港市覃塘区蒙公乡凌寺小学四(1)班 邓 骞

Haujlai saeh cungj riengz seizgan lae bae lo, hoeng, miz gienh saeh ndeu hawj gou gig nanzlumz, daengz seizneix gou lij geiq ndaej cingcing cujcu.

Geiq ndaej youq bi' gvaq hanz-gyaj ngoenz singhgiz seiq ndeu, gou bae ranz daxdaiq guhcaemz, ngamq hauej bakdou couh yawjraen miz bang gaeqlwg dwggyaez, bwnyupyp ndeu cingq humx youq henz ndang gaeqmeh "gigigi" hemq mbouj dingz, youq gyoengq gaeqlwg baihindaw miz duz ndeu gou ceiq gyaiez, duzde daengx ndang bwn henjrwg, baihgwnz lij miz geij diemj raizndaem, dwggyaez raixcaix. Gou caen siengj umj de youq ndaw rungj. Vihliux gaeb ndaej dawz duzde, gou laeglaemx riengz youq

baihlaeng gaeqmeh. Sawqmwh, gou raen miz aen gihvei gig ndei ndeu— Duzde riengz youq henz ndang gaeqmeh caeuq gyoengq gaeqlwg buet bae buet dauq, mbouj siujsim deng gaz youq ndaw geh rin, buet mbouj ndaej lo. Gou couh sikhaek buet gvaqbae, dawz duz gaeqlwg dwggyaez haenx bungj okdaeu, aeu fwngz menhmenh rub gij bwn unqunpup de. Gou cingq yaek dawz gaeqlwg umj baema guhcaemz seiz, gaeqmeh sawqmwh raen miz duz gaeqlwg ndeu mbouj raen lo, dauqcawq bae ra. Raen gou umj gaeqlwg yaek byaij deuz, gaeqmeh sikhaek aj doiq fwed de vaiqviet coemj coh gou, gaeqmeh lumjbaenz gig ndatheiq, ndaw bak fat ok gij sing "gugugu", lumjbaenz gangj

naeuz: "Vaiq boiz lwg gou hawj gou!" Gaxgonq, duz gaeqmeh neix cungj dwg raen vnz couh buetdeuz, seizneix cix mbouj lau vnz. Gou miz di geizheih, couh gaem nyeuq rin iq ndeu vut coh gaeqmeh, hoeng, gaeqmeh cix itcig coemj coh gou. Gou miz di lau lo, hoeng youh gag siengj: Gou dwg bouxvunz, de dwg duzgaeq, gou cix mbouj lau de ne. Baez siengj daengz gizneix, gou youh gaem dawz geij nyeuq rin vut coh gaeqmeh, cingqndei vut deng doiq fwed gaeqmeh, miz geij diemj lwed daj ndaw fwed de ndik roengzdaeu, hoeng duz gaeqmeh cix mbouj goq gij sieng de, mboujdan mbouj dingz roengzdaeu, dauqfanj engq vaiq coemj gvaqdaeu. Sawqmwh gaeqmeh diuq hwnjdaeu, yungh

doiqfwed sieng de haenqrengz bek gou, aeu aenbak soemsetset de yunghrengz dot gou, fwngz gou deng dot ok lwed lo, in raixcaix. Gou yawjraen neix, fwngz saenzdwdwd dwk gvaigvai dawz gaeqlwg cuengq roengzdaeu, gaeqmeh yawjraen gaeqlwg mbouj miz maz saeh, couh mbouj caiq dot gou, daiq gaeqlwg buetdeuz lo.

Duz gaeqmeh bienq ndaej mbeilaux, maenh' ak, aenvih de dwg daxmeh gaeqlwg. Daj haenx hwnj gou mbouj gamj caiq gaeb gaeqlwg de lo.

Gienh saeh neix gvaqbae haujlai nanz lo, hoeng gou ciengzseiz siengj hwnj duz gaeqmeh haenx, siengj hwnj gaeqmeh baenzhaenx gyaiez lwg de.

(指导老师:陆小媚)

Baez Daih'it Saeg Buh

第一次洗衣服

贵港市覃塘区蒙公乡凌寺小学六(1)班 邓 巧

Miz ngoenz ndeu, daxboh caeuq daxmeh cungj bae guh hong lo, gou yawjraen gyauejcong z miz gij buhvaq daxboh caeuq daxmeh vuenh roengzdaeu haenx, gou siengj: Fanjcingq seizneix mbouj miz saeh guh, couh bang daxboh daxmeh saeg buh ba. Bohmeh dauqma gangj mbouj dingh lij haenh gou ne.

Hoeng, gou caengz saeg gvaq buhvaq. Gou couh yungh aen bat coux aeu raemx, caiq dawz buhvaq cuengq roengz ndaw bat bae, yienzhaeh aeu sijyihfwnj daeu, aenvih daet aen bakdaeh daiq hung, sijyihfwnj raix ok lai lo, gou siengj gip hwnjdaeu cuengq roengz ndaw daeh bae, hoeng sijyihfwnj youq ndaw raemx menhmenh yungz lo, dawz mbouj hwnj lo. Ndaw raemx mauh ok haujlai fugfauz, caemhcai yied mauh yied lai. Sawqmwh gou siengj hwnj miz vnz gangj gvaq, sijyihfwnj dwk lai le, buhvaq aiq deng cimq vaih, gou lienzmuengz dawz raemx ndaw bat raix okdaeu di, caiq gya raemx. Gou yawjraen ndaw bat vanzlij miz haujlai fugfauz, caiq raix raemx, gya daihsam baez raemx, gij fugfauz ndaw bat cix bienq noix di.

Gaendwk, gou yungh rengz fou buh, fou dwk fwngz cungj hoengz lo, caiq yungh din caij, itcig saeg daengz mbouj miz fugfauz. Hoeng gou riu geubuh hwnjdaeu baez yawj, hozbuh caeuq bakgen vanzlij uq. Gou geiq ndaej daxmeh



bingzseiz saeg buh seiz, youq song giz neix lai cuengq di sijyihfwnj bw, gou couh ciuq gij fuengfap daxmeh youq hozbuh caeuq bakgen lai dwk di sijyihfwnj, caiq fou geij mbat, yungh raemx sauz baez yawj, ya, caen seuq ha. Mbat neix gou angq raixcaix, baez geu baez geu yienghneix saeg, mbouj geij nanz couh dawz buh saeg sat lo, niuj raemx bae le, dak youq gwnz saux.

Gou cingq dak buh seiz, daxmeh guh hong dauqma lo, yawj-raen gij buh dak youq gwnz saux, daxmeh riu lo, gou hix daekeiq dwk riu lo. Daxmeh naeuz: "Mwngz yawj mwngz dawz geuvaq mwngz loengh dumz lo." Gou ngaem gyauej baez yawj, caen dahraix, buhvaq gwnz ndang gou ca mbouj geijlai cungj dumz lo. Daxmeh youh naeuz: "Vaiq vuenh roengzdaeu, gou bang mwngz saeg." Gou ngiengx gyauej naeuz: "Hw! Gou gag saeg."

(指导老师:庾书扬)

Goj Duzgaeq Caeuq Duzbit

鸡和鸭的故事

贵港市覃塘区蒙公乡凌寺小学六年级 覃 奕

"Ap ap ap ……" Gyanghaet, duzbit iet hoz coh gwnz mbwn hemq, lumj naeuz heuh bouxcawj daeu gueng de ityiengh. Duzgaeq daj ndaw cek riengret diuq okdaeu, hix "o o o ……" hemq mbouj dingz, lumjbaenz caeuq duzbit beij, yawj-yawj bous lawz sing engq hung di.

Song duzde, daj bouxcawj cawx dauqma daengz seizneix couh mbouj doxndei gvaq, itcig mwngz nap gou, gou dot mwngz. Doeklaeng song mbiengj cungj sieng lo. Duzgaeq cingq siengj iet hoz yungh aen baksoem de bae dot duzbit, byawz rox bouxcawj iq dawz gijgwn daeu gueng gyoengqde lo. Hoeng baezneix bouxcawj iq mbouj dwg sikhaek daek gijgwn hawj gyoengqde, cix dwg aenbak nam mbouj dingz: "Fouqgiengz、minz-cuj、vwnzmingz ……" Song duzde miz di hozndat lo, sikhaek bek fwed iet hoz sing hung hemq hwnjdaeu. Bouxcawj raen le, hix mbouj gip, sing iq naeuz: "Rox sou iek lo, hoeng gij sevei cuji gyacizgvanh gou hix yaek boih ndaej cij ndaej ha ……" Yawjraen yienghneix, duzbit doiq duzgaeq gangj: "Gaeq daegnuengx, yawjdaeu raeuz lijdwg doxndei ba, mboujne, bouxcawj cungj mbouj hawj raeuz gwn bw." Duzgaeq raen bit daeggo baenzneix gangj, hix ngaekngaek gyauej doengzeiq gij siengjap duzbit lo.

Bouxcawj iq moix baez daeu gueng duzgaeq caeuq duzbit cungj bungz daengz song de doxhoenx

mbouj dingz, seizneix raen song de sawqmwh caemrwg dwk caj gwn, geizheih dangqmaz. De itcig boih sevei cuji gyacizgvanh: "Fouq-giengz、minzcuj、vwnzmingz ……" Bouxcawj iq raen duzbit caiqhix mbouj ceng lo, sikhaek angqyangz dwk daek gijgwn hawj gyoengqde. Duzgaeq caeuq duzbit sikhaek buet gvaqdaeu angqyangz dwk gwn-yabyab.

Duzgaeq caeuq duzbit gwn imq le, duzbit iet hoz raezrangrang cam duzgaeq: "Gijmaz dwg sevei cuji gyacizgvanh ne?" Duzgaeq hix mbouj rox naeuz: "Haxbaenh raen de gangj 'doxhuz' 'bingzdaengj', aiq dwg heuh gyoengq doenghdwz raeuz hix aeu doxgyaez ba?" Daj baezneix hwnj, duzgaeq caeuq duzbit mbouj caiq doxnap doxdot lo. Moix baez raen bouxcawj iq boih sevei cuji gyacizgvanh seiz, hix riengz dwk sing hung hemq "ap ap ap …… o o o ……" Gij sing neix baenz souj go ndei dingq ndeu.

(指导老师:陆冬群)

